

奉勸二汾陽略序行藏有緣身入道家鄉塵事黏黏宜損損捨  
短從長 日用蕤心香返照回光逢魔逢難敢承常盡始盡終  
無變易決赴蓬莊

贈女姑張善行

狂語話真誠清眾宜聽不期白髮鬢邊生前有無常相等待著  
甚祇迎 除是做修行心地寬平舊來熟境不相縈已過更能  
頻改正功自圓成

贈徒單姑姑

確志慕前程寵辱猶驚五千奧旨灼然明所以百川俱湊海窪  
則當盈 上士處無爭柔弱爲憑外雖應物內澄清履道如斯

道藏輯要

草堂集

美

川。一三

常坦坦步步蓬瀛

悟南柯 本名南柯子

和常顯之

冥坐心恆適幽居興可嘉靜鳴天鼓激雲芽吐納綿綿隨分保  
生涯 但解安時運奚憂換物華三山瓊路信非賒未去權依  
積翠與明霞

贈樂亭劉司候

猿鳥誠幽伴泉石亦近鄰三竿紅日欲侵門睡起從容無事暫  
相親 玄谷規千聖泥丸聚百神些兒功用養天真遠害全生  
清樂未輸君